



بو مسجد تبریز بازاری توخوسوندا (بافتیندا) و تاریخی فرهنگی حریمین محورینده دیر:

تبریز، دارایی خیوانی، صاحب الامر مئیدانی، شتریان بازارچاسی، سید علی آغا مسجدی.

مسجیدین پلانی مستطیل و شبستانی دیر کی 8 داش سؤتون و 15 ضربی کریچ گونیزی واردیر.

مسجید بیر طبقه دیر کی شمال و غرب قیسمت لرینده کلیل طاغی ایله همکف طبقه نی اؤرتمک اوچون اجرا اولوب. شمال شرق قیسمتینده بیر سومنئهی (آب انبار) اونا یاجیشیب. خانیملارین گیریش قاپیسی بینانین شمالیندایدیر کی خیواوانا آچیلیر؛ آنجاق، آغالارین گیریش قاپیسی شتریان بازارچاسینا آچیلیر و غرب قیسمتینده دیر. مسجیدین محرابی، حج و اوقاف امور خیریه طرفیندن تعمیر اولونماقدایدیر؛ مسجیدین متولّی سینین دئییینه گۆره اونون اوزرینده کاشیکارلیق زینت لری اولونماقدایدیر.

بو شبستانی بینادا داش ستونلرین پایالاری اوستونده گونیز اؤرتوسو ایشله نیب. بیناداکی زینت لری ساده دیر و بندکئشلیک اولونموش کریچلردن عبارت دیر. طاغلار جناغیدیر. مسجیدین کفی بتتون اولونوب. بینادا ایشله نیلن مصالح، پایالار و گونیزلرده کریچ مالاتی دا گچ ویا گچ خاکدیر؛ اول طبقه نین پنجره لری آغاجدیر؛ شمالی و شرقی پنجره لر فلزدیر. محراب دوزلدیلمکده دیر.

بینانین عرصه سی 275 مربع متیر، اعیانیسی ده 1300 مربع متیردیر.

فرهنگی میراثلار اداره سی